



MEMORIA XUSTIFICATIVA E ECONOMICA PARA A TRAMITACIÓN DO ACORDO DE COLABORACIÓN ENTRE O INSTITUTO ENERXÉTICO DE GALICIA, A CONSELLERÍA DE INFRAESTRUTURAS E MOBILIDADE E A AXENCIA PARA A MODERNIZACIÓN TECNOLÓXICA DE GALICIA PARA A REALIZACIÓN DAS ACTUACIÓNS PRECISAS PARA A MELLORA DA EFICIENCIA ENERXÉTICA DO EDIFICIO SITUADO NA RÚA DOMINGO FONTÁN, NÚMERO 9, COFINANCIADO POLA UNIÓN EUROPEA CON CARGO AO PROGRAMA GALICIA FEDER 2021-2027

O Instituto Enerxético de Galicia (en adiante Inega) é unha entidade instrumental do sector público autonómico con personalidade xurídica e patrimonio de seu para o cumprimento dos seus fins, que se constitúe en Axencia por Decreto 142/2016, do 22 de setembro, mantendo a súa adscrición a Consellería competente en materia de enerxía, conforme ao establecido na Lei 3/1999, do 11 de marzo, entre os seus fins están "o fomento, impulso e realización de iniciativas e programas de actuación para a investigación, o estudo e o apoio das actuacións de coñecemento, desenvolvemento e aplicación das tecnoloxías enerxéticas, incluídas as renovables, a mellora do aforro e a eficiencia enerxética, o fomento do uso racional das enerxías e, en xeral, a óptima xestión dos recursos enerxéticos dos distintos sectores económicos de Galicia, así como a participación na xestión e prestación, se é o caso, de servizos noutros campos sinérxicos ao enerxético, de acordo coas directrices do goberno no ámbito das súas competencias".

A Amtega é unha axencia pública autonómica que ten como obxectivos básicos a "definición, o desenvolvemento e a execución dos instrumentos da política da Xunta de Galicia no eido das tecnoloxías da información e a comunicación e a innovación e o desenvolvemento tecnolóxico".

O artigo 9 do Estatuto da Axencia para a Modernización Tecnolóxica de Galicia aprobado polo Decreto 252/2011, do 15 de decembro, modificado polo Decreto 9/2021, do 21 de xaneiro, establece que a Amtega ten entre as súas competencias, a dirección e xestión de todas as actuacións da Xunta en materia de tecnoloxías da información e as comunicacións.

Durante o exercicio 2021, en virtude do Decreto 9/2021, do 21 de xaneiro, suprimiuse o Centro Informático para a Xestión Tributaria, Económico-Financeira e Contable (Cixtec) e modificouse o Decreto 252/2011, do 15 de decembro, polo que se crea a Axencia para a Modernización Tecnolóxica de Galicia e aprobáronse os seus estatutos. Como consecuencia do proceso anterior, o edificio que ata ese momento constituía a sede do Cixtec foi adscrito á Amtega e dado de alta no patrimonio da dita axencia pública autonómica.

O edificio, situado na rúa Domingo Fontán, número 9, foi construído en 1995 sen que se teña realizado ningunha reforma de entidade dende a súa construción, contando coa maioría dos





equipos de climatización e iluminación orixinais do edificio. Na actualidade o seu uso é administrativo, no que se localiza, ademais, o Centro de Proceso de Datos da Consellería de Facenda.

Debido á criticidade do seu funcionamento, o centro de procesamento de datos, a zona de oficinas do edificio e o sistema de alimentación ininterrompida dispoñen de sistemas de climatización independentes, sistemas que contan con máis de 20 anos de antigüidade e presentan un alto funcionamento diario. En atención á súa antigüidade, así como desde un punto de vista enerxético, pódese considerar que xa chegaron ó final do seu ciclo de vida, o que fai imprescindible acometer, á maior brevidade posible, unha nova climatización dos mesmos coa finalidade de mellorar o seu rendemento e maximizar o aforro enerxético e económico.

Consellería de Vivenda e Planificación de Infraestruturas configúrase, de acordo co disposto no 49/2024, do 22 de abril, polo que se fixa a estrutura orgánica das consellerías da Xunta de Galicia, e no 142/2024, do 20 de maio, polo que se establece a estrutura orgánica da Consellería de Vivenda e Planificación de Infraestruturas, como o departamento da Xunta de Galicia ao que lle corresponden as competencias e funcións en materia de vivenda, urbanismo e planificación de infraestruturas, que exercerá no nivel de desenvolvemento que se indica neste decreto para cada un dos seus órganos integrantes.

Asemade, para o desenvolvemento das súas funcións, esta consellería conta, entre outras, como entidades adscritas, coa Axencia Galega de Infraestruturas (en adiante AXI), creada, en virtude da autorización prevista na disposición adicional cuarta da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, polo Decreto 173/2011, do 4 de agosto, polo que se aproba o seu estatuto, modificado polo Decreto 66/2021, do 15 de abril.

Para acometer as obras de mellora de eficiencia enerxética do edificio situado na rúa Domingo Fontán, número 9, a Amtega carece dos medios persoais e técnicos para levar a cabo este investimento.

A Lei 14/2013, do 26 de decembro, de racionalización do sector público autonómico, establece no seu artigo 14 que a Administración xeral da Comunidade Autónoma e as entidades do sector público, ou estas entre elas, poderán formalizar acordos de colaboración ou cooperación para o servizo aos intereses xerais mediante o desempeño conxunto de tarefas de interese público da súa competencia.

A colaboración ou cooperación consistirá na participación conxunta e efectiva no desenvolvemento da actividade común, mediante achegas de traballos de organización, medios persoais e materiais ou recursos financeiros para a finalidade compartida, de acordo coas respectivas competencias, e será sempre diferente das estruturas contractuais onerosas reguladas na lexislación de contratos do sector público.





O persoal da Consellería de Vivenda e Planificación de Infraestruturas ten alcanzado, polas competencias que lle son propias, un alto grao de especialización e eficiencia pola experiencia na tramitación, xestión e execución de contratos públicos relativos a infraestruturas, incluídos edificios administrativos.

Neste senso, a Consellería de Vivenda e Planificación de Infraestruturas, xunto coas súas entidades instrumentais, concíbese como unha estrutura organizativa capaz de responder aos mandatos ou encargos que en relación coas súas competencias ou atribucións lle encomenden as Consellerías e entes públicos da Comunidade Autónoma de Galicia coa máxima celeridade, calidade e co mínimo custo posible, e salvagardando, en todo momento, as garantías necesarias para unha adecuada defensa dos intereses públicos afectados.

O obxecto deste acordo será establecer as bases de colaboración entre o Inega, a Consellería de Vivenda e Planificación de Infraestruturas e a Amtega para a realización das actuacións precisas para o financiamento e execución da mellora da eficiencia enerxética do edificio situado na rúa Domingo Fontán, número 9, en Santiago de Compostela.

Ao abeiro do acordo, o INEGA terá como obrigas

- Colaborar coa Consellería de Vivenda e Planificación de Infraestruturas e a Amtega mediante o asesoramento e supervisión técnica do proxecto, coa emisión daqueles informes que, en materia de eficiencia enerxética, resulten precisos para a execución das actuacións previstas neste acordo.
- Prestar, cando sexa requirido pola Consellería de Vivenda e Planificación de Infraestruturas ou a Amtega, a axuda e colaboración técnica necesaria para o desenvolvemento satisfactorio do acordo.
- Colaborar coas restantes partes na coordinación das actuacións necesarias entre os diferentes axentes implicados para materializar as obras obxecto do acordo de colaboración.
- Actuar como beneficiario a efectos do Programa Galicia Feder 2021-2027 perante o Organismo Intermedio e entidades e órganos que participan no desenvolvemento e control do Programa.
- Cumprir en todo momento coas obrigas derivadas da específica natureza dos fondos europeos que financian as actuacións previstas neste acordo.

A Consellería de Vivenda e Planificación de infraestruturas será a encargada de:





- Coordinar as actuacións necesarias entre os diferentes axentes implicados para materializar as obras obxecto do acordo de colaboración.
- Realizar os actos e negocios xurídicos propios da preparación, selección de contratista, adxudicación e execución dos contratos públicos que sexan precisos para a execución do obxecto do acordo, respectando o proxecto de execución que, a tal efecto, realice a Amtega, incluíndo no seu alcance todo o equipamento necesario para a mellora da eficiencia enerxética do edificio situado na rúa Domingo Fontán, número 9.
- Asumir a posición de responsable do contrato.
- Realizar a supervisión técnica do proxecto, coa colaboración do Inega e da Amtega na parte de eficiencia enerxética, tecnolóxica e de equipamento.
- Realizar as xestións pertinentes ante os organismos que correspondan para a obtención dos permisos, licenzas ou autorizacións regulamentarias, salvo aquelas que necesariamente deban ser solicitadas pola Axencia para a Modernización Tecnolóxica de Galicia.
- Someterse ás actuacións de comprobación que se efectuasen polo Inega, así como a calquera outra de comprobación e control financeiro que poidan realizar os órganos de control competentes, nomeadamente a Intervención Xeral da Comunidade Autónoma, o Tribunal de Contas e o Consello de Contas, e xa que o proxecto está cofinanciado con fondos da Unión Europea, as comprobación e verificacións a realizar polo Organismo Intermedio, a Autoridade de Xestión e a Autoridade de Auditoría, e, se é o caso, polos órganos de Control da Comisión Europea, da Oficina de Loita Contra o Fraude (OLAF), da Fiscalía Europea e do Tribunal de Contas Europeo e outras instancias de control, achegando tanta información lle sexa requirida no exercicio das actuacións anteriores.
- Manter un sistema de contabilidade separado ou un código contable axeitado que facilite unha pista de auditoría apropiada en relación con todos os gastos correspondentes cos investimentos realizados ao abeiro deste acordo.
- Conservar a documentación administrativa relacionada coas actuacións obxecto do presente acordo que, dada a súa natureza, lle corresponda custodiar, durante un prazo de cinco anos a partir do 31 de decembro do ano en que a autoridade de xestión efectúe o último pago ao beneficiario, tal e como se establece no artigo 82 do RDC. i) En relación coas obrigas en materia de visibilidade, transparencia e comunicación reguladas nos artigos 47 e 50 do RDC, deberase cumprir co establecido no anexo IX do RDC, no documento "El uso del emblema europeo en el contexto de los programas de la UE 2021-2027"





A Amtega comprometése a

- Achegar o financiamento previsto no acordo.
- Colaborar coa Consellería de Vivenda e Planificación de Infraestruturas e co Inega na supervisión técnica do proxecto, coa emisión daqueles informes que, en materia tecnolóxica, resulten precisos.
- Elaborar, no prazo de tres meses desde a sinatura do presente acordo, o proxecto de mellora da eficiencia enerxética do edificio situado na rúa Domingo Fontán, número 9.
- d) Prestar, cando sexa requirido polo Inega ou pola Consellería de Vivenda e Planificación de Infraestruturas, a axuda e colaboración técnica necesaria para o desenvolvemento satisfactorio do acordo.
- Facilitar á Consellería de Vivenda e Planificación de Infraestruturas toda a información necesaria para levar a cabo as actuacións.
- Asistir ao acto de recepción das diferentes intervencións que terá os efectos de entrega destas.
- Someterse ás actuacións de comprobación que se efectuasen polo Inega, así como a calquera outra de comprobación e control financeiro que poidan realizar os órganos de control competentes, nomeadamente a Intervención Xeral da Comunidade Autónoma, o Tribunal de Contas e o Consello de Contas, e xa que o proxecto está cofinanciado con fondos da Unión Europea, as comprobación e verificacións a realizar polo Organismo Intermedio, a Autoridade de Xestión e a Autoridade de Auditoría, e, se é o caso, polos órganos de Control da Comisión Europea, da Oficina de Loita Contra o Fraude (OLAF), da Fiscalía Europea e do Tribunal de Contas Europeo e outras instancias de control, achegando tanta información lle sexa requirida no exercicio das actuacións anteriores.
- Manter o investimento de que se trate para a finalidade e co carácter solicitado por un período mínimo de cinco anos desde o pagamento final ao beneficiario, de acordo co artigo 65.1 do RDC. Do mesmo xeito, deberá cubrir os custos de funcionamento e mantemento da actuación para garantir a súa sostibilidade financeira, en aplicación do estipulado no artigo 73.2.d) do RDC.
- Manter un sistema de contabilidade separado ou un código contable axeitado que facilite unha pista de auditoría apropiada en relación con todos os gastos correspondentes cos investimentos realizados ao abeiro deste acordo.
- Conservar a documentación administrativa relacionada coas actuacións obxecto do presente acordo que, dada a súa natureza, lle corresponda custodiar, durante un prazo de





cinco anos a partir do 31 de decembro do ano en que a autoridade de xestión efectúe o último pago ao beneficiario, tal e como se establece no artigo 82 do RDC.

O importe total estimado das actuacións necesarias para a mellora da eficiencia enerxética do edificio situado na rúa Domingo Fontán, número 9, en Santiago de Compostela ascende a **2.000.000 €** (IVE engadido) que se financiará con cargo á aplicación 10.A1.611A.622.0 do orzamento da Axencia para a Modernización Tecnolóxica de Galicia para os anos 2025, 2026 e 2027 coa seguinte distribución:

	2025	2026	2027	TOTAL
10.A1.611A.622.0	6.000,00 €	1.200.000,00 €	794.000,00 €	2.000.000,00 €

Polo exposto, estímase xustificada a utilización do instrumento do acordo de colaboración para articular as actuacións de referencia. O acordo terá carácter administrativo e os seus efectos rexeranse polo establecido nas súas cláusulas, na Lei 14/2013, do 26 de decembro, de racionalización do sector público autonómico e na normativa xeral que lle sexa de aplicación.

O Xerente da Amtega

Asdo: Jose Luis Somoza Digón.

